



啓禎野乘一集卷十二

梁溪鄒

漪流綺甫纂

李忠文傳

公名邦華字懋明江西吉水人中萬曆三十二年進士授知涇縣四十年擢御史巡按浙江有風節時其陵南北部之隙已啓羣小爭攻東林西北諸正人既心忌公爲鄒忠介弟公又剔白邪正不少假借遂倡流言曰公與周起元輩五人爲五鬼既而德清秉逐東林西北無虛日或勸公少安蛇其間

對

爲偏枯之學問莫作反覆之小人時論若公四十七
五年出爲山東叅政不赴天啓元年卽家起光祿
卿屢以病請二年陞僉都御史巡撫天津三年陞兵
部右侍郎四年復稱病歸時魏忠賢焰熾督輔孫承
宗請入覲或言承宗且興晉陽之甲公爲內主忠賢
怖嚴旨勒承宗還鎮御史倪文煥遂疏論公東林死
黨革職崇禎元年起工部左侍郎卽督河道陞兵部
右侍郎協理戎政復以病去二年起南京兵部尚書
丁憂十六年起南京都察院都御史再疏堅辭聞京

城困辭家日爲文告先臨淮王矢以身殉改左都御
史旣蒞任申明憲約榜絕餽遺疏薦成勇蔡廷秀清
風亮節可當大用是時寇陷武昌駸及江右公上保
東南策謂長江衣帶非僅僅守九江守安慶可恃無
恐今宜增兵以扼險江撫駐九江贛撫駐吉安以杜
虎豹當關之勢徃來策應責在監司上嘉納之十七
年賊勢急公率御史申嚴保甲力爲防禦時上召
召對公密奏請皇上固守社稷守死勿去效仁廟
事命皇太子撫軍舊京又密疏兩二王分封江南以

壯東南之勢。上心動。俄而中允于明睿議南遷。給事
光時亨劾之。朝議大闕。遂併侵監國分封之議。而
事去矣。三月十五日賊已逼京師。公趨閣中。奏請
帑。召集朝紳鄉衮。居民不問大小老弱。悉令城守。親
冒矢石以固吾圉。乃首相魏藻德尚作退食。夢龍態
候。久不出。出而僅曰。事未必至此。老先生且姑待公
爾。時聲色俱厲。痛哭流涕。以道卒不悟也。十八日勢
益困。賊攻城甚急。無兵無餉。羸卒守埤。中官爲政。奸
細滿城。公言。旣不得行。復躬率諸御史上城。巡視諸

璫。矢石拒之。不許入。公道遇太常卿吳麟徵。握手揮
涕。誓死國難。十九日聞上變。公南向痛哭。携冊印冠
帶。人告安。會同館對文丞相再拜。矢志題絕命詩。有
云。人生自古誰無死。留取丹心照汗青。今日騎箕天
上去。兒孫百代仰芳名。又自贊云。堂堂丈夫。聖賢爲
徒。忠孝大節。矢死靡渝。遭國不造。空負名謨。臨危授
命。庶無媿吾君恩。莫報鑒此痴愚。題畢。遂自縊。死。屍
五日後。乃得殮。云。公性介特。寡言笑。不尚華侈。舉
嚴重。居官四十餘年。重名節。勵廉隅。蕭然素。雖位

望崇隆。為海內山斗。退然不朕。至值事變。利害屹然如山。不可搖奪。南都贈公吏部尚書謚忠文祀旌忠祠。

論曰忠文公固理學經濟忠節兼全之名臣也。虞山先生嘗為予言忠文三筦戎政大有建白。惜不得伸其志。迨賊逼京師。欲奉太子南渡。朝議紛紜。卒至莫救。忠言不用。而以死繼之。所謂竭其股肱之力。而加之忠貞者也。公請皇儲撫軍。俟旨之夜。作詩有云。五龍候日影。一馬聽江聲。及請二王分封。亦有詩云。剪

桐天子貴畫策老臣才。慷慨悲涼聲淚迸。咽彼時亨固罪不容于死。若通州相又可勝寸磔哉。

許忠節傳

公名直字若魯直隸如臯人中崇禎七年進士初令
義烏丁母憂服闋補惠來縣擢吏部文選司主事遷
考功員外郎公性端介自爲令時砥操若冰雪至是
益纖塵不滓尤加意善類多方甄引甲申三月賊逼
京城公約同官出金饗士爲死守計及城破賊令報
名公曰身可殺志不可奪堅不往時有傳先帝南
幸者公一望喟然流涕曰當此四面兵戈駕將焉往
國亂不匡君危無濟惟有一死而已已而知駕崩一

右前里
慟○幾○絕○客○以○七○旬○老○父○爲○解○公○曰○今○日○不○死○復○何○面
目○趨○庭○耶○卽○草○家○報○奉○父○書○中○首○述○忠○孝○之○訓○次○及
葬○母○教○子○無○他○語○旋○整○冠○北○面○拜○已○復○南○面○拜○賦○絕
命○詩○六○章○云○率○土○皆○臣○自○聖○明○狂○氛○何○事○敢○縱○橫○驅
馳○安○得○赴○桓○力○一○斬○元○兇○盡○洗○兵○貫○盈○臣○罪○豈○容○誅
屠○戮○腥○聞○駭○毒○痛○罄○竹○南○山○書○不○盡○任○將○寸○磔○有○餘
辜○君○國○深○仇○慘○古○今○么○麼○逆○豎○偏○相○侵○微○軀○自○恨○無
兵○柄○殺○賊○惟○殷○報○主○心○在○天○靈○爽○念○高○皇○開○闢○當○年
垂○裕○長○願○待○吾○皇○遄○謁○帝○祈○哀○仍○使○國○威○揚○一○死○酬

君○見○血○誠○滿○腔○忠○憤○痛○難○平○大○仇○未○復○身○先○殞○漫○化
啼○鵲○灑○淚○盈○擲○筆○翻○然○辭○世○行○老○親○幼○子○隔○幽○明○丹
心○未○雪○生○前○恨○青○簡○空○留○死○後○聲○書○畢○入○內○室○取○麻
練○自○經○死○越○旦○啓○扉○公○一○手○持○練○尾○一○手○上○握○神○明
如○生○客○爲○稱○貸○以○歛○之○蓋○公○秉○銓○政○時○庭○空○若○水○死
之○日○案○間○惟○留○圖○書○數○卷○無○長○物○也○乙○酉○贈○公○太○僕
寺○卿○謚○忠○節○祀○旌○忠○祠
論○曰○岳○武○穆○言○文○臣○不○愛○錢○武○臣○不○惜○死○則○天○下○太
平○予○謂○惜○死○之○心○正○繇○於○愛○錢○耳○世○豈○有○賄○賂○盈○庭

苞○苴○塞○路○日○坐○銅○山○金○穴○中○牙○籌○握○算○而○
鼎○鑊○時○懸○崖○撒○手○者○乎○然○則○公○之○抗○節○不○待○遇○難○
也○於○其○爲○令○秉○銓○一○塵○不○染○知○之○矣○
刀○鋸○

馬文忠傳

公名世奇字君常號素修南直無錫人也祖桂林守
濂父學博希尹皆以廉謹名公生穎異少卽與弟孝
廉世名攻苦下帷有平原二龍之譽十六爲諸生三
試皆第一嗣後郡邑廉訪巡方使者試無不冠軍精
制舉莠所評定推一時冰鑑每科牘房書澹寧居選
出人人奉爲金科玉條遐方僻壤不脛而走至有疑
公爲先達古人者然困棘闈久辛酉始以恩選第一
對大廷甲子舉賢書服飾舉止猶然貧士也辛未

成進士改庶常時義興居首揆自其爲諸士素願附
公壇坫至是以得偕公出門墻爲幸每傾心于公
引大義明國體推引同志愛惜人才非公事不以告
烈皇帝勤政宵衣三日一視朝漏鼓四下輒出御殿
廷臣至多後期公獨最先每闕門未闕輔臣未至燈
火熒然相對者公與劉文正公而已累進宮銜丁丑
分較禮闈所得吳适倪長珩等皆知名士戊寅上
念二祖列宗本支繁衍而頻年用兵百姓勞苦欲與
民休息乃命詞臣分諭諸藩務體天子體恤元元之

意公得山東湖廣江西諸藩府計行二萬里所宣諭
凡二十五諸藩賜予甚厚公却金凡數千已卯至考
江右榜發一省歡服解元劉君渤素稱西江僑胥且
丁卯倪文正公所嘗擬第一也等丁父艱戴星奔歸
喪滿再入公念母氏桑榆風燭不忍遠離旣而寇警
日逼公曰主憂臣辱吾敢偃息在床乎遂決計北行
宜興之再召也公方居家祖道時極言東南民力已
竭當亟蠲逋賦使獲有寧宇故宜興入告遂奉命
及公入都宜興已去位矣旣而復逮入賜自裁門生

故吏所稱人暮情凋者恐餘沙相及爭地夫公獨
經紀其後事不少退穉矣未分枝武闈是冬闈
秦晉獻賊破楚蜀內外幣一空然廷臣持文法朋黨
賄賂益甚上不時召對公言用兵以人心爲本人
心樂爲之用雖寡亦強人不樂用雖衆亦弱今闈獻
並負滔天之逆而治獻易治闈難蓋獻人所畏闈人
所附非附闈也苦兵也目前勝着須從收拾人心始
收拾人心須從督撫鎮將約束部伍令兵不虐民民
不苦兵始至人心轉賊勢孤而後相機操縱勦撫並

行獻闈皆游釜魚矣又言今日泄泄謔謔各持兩可
之謀未定一成之畫寧可斷送封疆不肯破除門戶
卽如楚寇一事人心作何收拾左帥作何安頓眼前
督撫畢竟做得做不得通盤勝算上手一着其可再
誤乎對入未省甲申正月闈報益警計部議各官助
銅助餉助糴公慷慨銷杯觥質袍帶應之三月賊入
畿輔上日召對百官大僚但稱待罪庶官默然而
已公歸邸卸袍帶輒淚下曰事不可爲矣吾一死報
國耳旣而賊至城下十八日丙午道無行人十九

日丁未城破。上巳崩煤山。民間未知也。六傳已南。幸公起沐浴。肅衣冠。捧所署司經局印。北面望闕。拜起。持印授僕曰。上果南。幸速持此。聞赴行在。復南。何遙拜。太夫人曰。兒從此不得長依膝下。奈何。因泣下。舉家皆哭。時公侍姬朱與李亦哭。公急止之曰。無亂人意。忽緋衣賊二人。露刃馳入。左右走匿。公安坐不動。賊復馳去。公與二姬閉一小室中。自經。諸僕排戶入救之。公及李姬皆復甦。朱遂絕。僕泣以太夫人動公公曰。不死正恐留此身為太夫人辱耳。兵部

郎成公德。故公相友善。以慷慨從容義來詢。公荅書。吾輩舍一死。更無別法。吾不為其難。誰為其難者。天子我成仁取義。故無憾也。勉之。吾輩正不必遜古人耳。乃夜簡書籍。俾僕攜歸。二十日戊申。手書二函。一寄弟。孝廉。一付子壬玉。俄有朝士數人。微服相過。中有削髮者。謂公曰。皇上且南。我輩以此故。偷生君詞。臣可無死。因涕泣相勸。公曰。吾意久決。公等休矣。于是李姬哭而前曰。妾死。主手當使主歛。妾妾義不後死。遂立乞紗悅。自經死。公命市棺三。以二殮。朱李指

其一棺謂僕曰留此殯我于是衆始慙退公呼諸僕
曰吾世受國恩身居秘省自辛未至今十三年矣今
見國破君亡死固吾分太夫人年老聞信必過哀歸
語吾兒謹事太夫人吾得正而死死復有二妾天之
與我厚矣卽皇上未南南中必有新主但天下事未
知何如耳言已命僕出起題壁曰馬世奇同妾殉此
遂坐自經而逝其與弟書曰吾幸全受全歸母親自
可無憾且魂氣無所不之在天爲日星在地爲河嶽
固時時周旋母親之側也江南此時當亦無乾淨土

念之憤絕與子書謂京師失守一籌莫展真所謂夙
有餘責不能恝然者汝祖汝母及汝兄弟耳忠孝二
字是吾家風好守之一姐先死玉潤後死女流得之
尤稱殊節力慰祖母勿以我爲痛加餐以延天年可
也谷成玄升東附覽玄升亦歿矣到底與我同心若
此玄升一門四人俱死吾一室三人庶可相匹吾少
時嘗夢詠詩二句從今別却江南日化作啼鶻帶血
歸此文山語也特與汝識之而公當選貢時父學博
先生亦夢配徐孺人有忠臣不事二君語始終大節

蓋天定云。公敦倫常。重行誼。少以父學博允生爲師。與弟孝廉互相切劘。無媿金昆玉友。侄博士瑞以孝廉應試。癸未公當入主分房。慮妨進取。稱毋意。固鄉博士。遂以是科成進士。自弱冠卽受知顧端文。公題其行稿。有夾輔桑榆之祝。地方有司。人人國士。遇公矢不與一。居間事獎借。後進東南之彥。多依以成名。及門數千。最器重者龔進士廷祥。王職方永積。黃文學家舒。居家儉樸。澹素布衣蔬食。蒼頭廬兒。終公身無與人鬪爭構訟者。南都贈公禮部右侍郎。謚文忠。

二姬皆贈孀人。祀旌忠祠。

論曰。甲申殉難諸賢。多倉卒表見。臨危致身。其素稱海內山斗者。范文貞。李忠文。成忠毅。劉文正。數公。然皆以氣節品望。稱不聞雕龍繡虎之譽。雖倪文正。久號文壇南面王。亦在木天以後。未有若公自爲諸生。卽以文章氣節。雄視海內者也。自吾邑有公。九龍若增而高。二泉若增而深。嗚呼。公于邵文莊。高忠憲。顧端文。真百川之有四瀆哉。

王忠烈傳

公諱章字漢臣號芳洲南直武進人也。幼食貧性至孝。葬父至手自封樹。嘗夢陳烈帝與揖且告之曰。公忠孝人也。異時當不徒以功名終。辛酉領鄉薦。戊辰成進士。榜前數日。公所居里潮輒至者三。若盤旋狀。居民咄咄稱異事。庚午令諸暨。暨之民不半載。頌神君云。適寇弄兵東海。鄞當其衝。缺善吏。臺使者以公才為請於朝。將調鄞。暨民間之呼號奔走。願借寇君。而鄞命且下。鄞人來逆者。暨爭逐之。公不獲已。密遣

鄞人而正告暨曰若等父事子而予字若子也
何言去去亦何恐亟雖然其若鄞命何居有頃卒去
暨如鄞暨之民德公常山之嗥肖像祠焉鄞故劇
廣袤四百一十八里視暨號難治公自下車迄底績
凡八年俗喁喁向風蓋公治鄞如治暨而鄞人之德
公者亦無異於暨人之德公者最聞稍遷工部主事
卒授侍御史巡甘肅蓋特恩也先是巖疆一帶數被
兵燹巡方者多規避公曰東西南北惟所命之甫叱
馭入關貪墨望風解綬絲嘉峪抵天山悉單騎躬行

撫賞番人畏威懷德至焚香獻酪以去如兩河旱率
屬步禱不雨乃爲文檄神廟曰御史某奉命西巡未
嘗受一錢殘一人至愆雨澤神殛吾身毋殄吾民神
血食茲土不克請帝命甦此方民當告天子易爾
位絕爾祀檄焚雨如注下人呼爲御史雨故例邊屬
較士率用按監自隴以西二十五庠報雋者科一二
人或盡榜不得一士自公鑒衡而卯闈捷者六人凡
巡未竣而封事百八十上悉關軍國大計至劾大臣
殺良冒功糾甘撫剝民侵餉罪藩差擾驛陷良尤侃

侃不避權貴。庚辰讀禮歸會。獻賊據上游。江南騷動。薦紳多挈貲遠遁。公日與當事爲守禦計。或告以急宜避。公毅然曰。城以人存亡。冠帶者先去。爲民望。孰與固此圍乎。設有不測於關祠孔廟。覓殮吾屍可也。未幾警息。服闋。陛見。上稽前績。嘉賚之。甲申賊勢孔亟。因陳保江南策。謂沿江上下轄諸險隘。宜如邊制。聯絡堡墩州邑巨室。有聞警潛移者。法無赦。仍沒其貲充餉。又上奠畿輔策。謂遣西夷以分敵勢。撤邊兵以壯神京。調降丁以搗賊巢。因薦惠世揚可大任。

惜不果用。都御史李邦華謂公負文武略。題授京營巡視。時二月六日也。旣受事。義不反顧。有南下者。索家信。公曰。國如此。何有家。爲因援筆立書數字云。全晉旣殘。關門告急。臣子不復問身家矣。皇上真如堯舜而下。絕無應手之人。柰何無他及語。二十六日。真保破京師。震驚調營兵五萬。軍城外。襄城伯帥之。而公督在城。兵計堞分守。衣不解帶。目不交睫者凡十五晝夜。吁力竭矣。三月十有八日。攻彰義門。公督將士堅壁以守。矢集如雨。弗却也。向明唾。土崩。軍

無固志○公猶手擊二礮傷賊○賊少阻頃之○急公
顧語同事科臣光時亨曰○事至此○惟有一死○時亨曰
如是死○委同士卒死○奚異○莫若入朝覓帝行在不
獲則死死得所也○公許諾○時亨遽易服○將強公公曰
否○否○子之造朝者○恐同士卒委草莽○期烈烈死也○若
去爾冠○易爾服○官不官○卒不卒○柰何○無易便行○數武
賊騎掩至○叱下馬○時亨遽離鞍○鞞前立○且請降○公曰
視兵御史孰予叱賊脅公公○不屈○賊怒○碎公膝○墜馬
公坐地○大罵賊益怒○卒刃公○棄走○公僕某索公急

望見公○怒目張口○一手據地○坐以爲猶生也○亟呼不
應○遇害矣○一力士負公抵寓○與之金○返詢姓名○不荅
辭去○賊令死忠者寓毋兵○兵者斬賊○固多秦人過者
輒曰○此故京營御史居停也○曾巡甘肅○有惠政○羅拜
乃去○夫人姜氏聞變○慟絕○乙酉贈公大理寺卿謚忠
烈○予祭葬南都○浙江毘陵三處建祠○廕子之柯○錦衣
世襲之柯○負文譽○與弟之枳○並礪砢著節○予稱爲畏
友云

論曰○余聞王公恂恂長者○雖擢魏科○居要職○未嘗以

權勢炫耀鄉里及遇變忼慨顧叱克徒精
何卓卓也使公早從時亨言易服趨朝可幸不死
免於辱身賤行乃時亨者不死長安而終死金陵西
市正公廟祀易名時也人亦何苦不爲忠烈哉

陳恭愍傳

附妾時氏

公諱良謨原名天工號賓日浙江鄞縣人也甲崇禎
辛未進士父某沒官雲南以貧故不能歸櫬後得第
謁選求授大理府司理乃奔喪歸尋拜四川道御史
甲申正月夢拜文文山於堂下文山揖之起曰公與
余先後人品相同何爲下拜三月十九日城陷仆地
昏暈者數四自是水漿不入口其族侄一擊勸無死
曰吾志非一日矣時有執友李芳泰在旁公曰吾爲
國死義不顧家止此先君窀穸老母侍奉嗣繼未定

須一言言不足悉因賦詩云中天懸日月海所畢
炤倏爾陰霧昏日月失常道仰觀我明明薄蝕一時
變書至此忽颺風襲牖曰异哉此風隨續云電風自
南來光復天心見大夫百執事其誰忘明君媿予沉
痾久牀第淹數旬背城孰盡瘁巷戰杳無聲如何社
稷靈懣爾順民形載舟亦覆舟古今同一轍順民卽
逆民參觀非一日蒼蒼不可問亡國我何存誓守不
二心一死報君恩末題云爲子爲臣不能兩全慷慨
從容同歸一死大明監察御史陳良謨書於賊陷北

京之日遂付李收之未幾聞帝崩煤山大慟曰吾所
以隱忍至此者爲帝在也今已矣吾死晚矣死晚矣
諸僕羅泣不從痛飲扃戶自縊有新娶妾時氏年十
七娶甫百有三日端服靚妝侍公同盡諸僕從窓隙
泣窺之公上立掛藍帕噴血滿地時氏以紅絲帶縊
於傍急破窓踰入公氣未絕戒弗動時氏彼腕力軟
不能卽逝我繫之幸盡汝爲我高其懸汝送我終猶
吾子也諸僕泣曰主人此去定爲正神公曰然吾當
佑汝遂絕南都贈太僕寺少卿論恭愍時贈孺

同祀旌忠祠

論曰恭愍之死較他人更難上有老親下無血胤而
又寵愛在傍毫不繫戀真大解脫人至時孺人韶顏
穉齒玉節霜標茲二人者可謂飛越愛河游行劍樹
同上天宮者也豈徒血性决烈也哉

金忠節傳

附母章云等

公諱鉉字伯玉號在六南直武進人也籍於燕勿頴
異博古能文年十八舉順天丁卯鄉試第一戊辰聯
捷釋褐後歸娶授揚州府學教授日進諸生闡明濂
洛之學燕居言行俱有規格一時英碩多從之遊比
于胡安定之門尋轉國子監博士庚午陞工部主事
督理軍器躬自察飭甚慎有加當是時上方銳意
綜核內臣張彞憲奉敕總理戶工兩部錢糧且建立
公署通國共駭公特建言請罷蓋唯恐以此開交結

之漸決廉耻之維非止爲糜費無益計也。凡入不報
未幾彙憲移檄內開兩部司屬謁見合照部堂體制
等語公憤然曰不幸而前言驗矣。又疏糾彙憲亢顏
等心妄自尊大以皇上廸簡之臣子而令其罄折
罪僂將置自有之堂屬別行誣妄之儀去不易之公
庭強抑刑餘之下臣委質聖朝自矢無玷生殺予奪
准君父命決不敢匍匐彙憲之庭致罹交結之條奉
旨切責亡何分稅杭州未任隨移疾歸甫匝月彙憲
以驗放火器參題奪職一時正人君子爲上書白寃

如禮部周公鏞刑部曹公荃并坐降譴公從此絕
意仕進鍵戶讀書究心物理性命之學環堵蕭然不
蔽風雨而躬爨以養父母課諸弟抵掌今古怡然甚
嘗有談及輦上貴人者卽掩耳障面避之辛巳丁
外甲申服闋二月起補兵部主事巡視皇城甫二
餘日而寇犯宮闕矣三月十九早聞上變公裂
毗罵賊裏易麻素表加冠袍束牙牌趨信地入皇城
門有內官同守職者突潰而出公力挽之大聲口爾
何去守門固內反外爲多人攘奪之不顧去公趨大

內且見諸宮人狂奔逸出公在御河側解牙牌付家人四拜曰歸送太夫人餘無所言投入御河長班急挽之公怒以手播長班復躍入而歿母章氏妾王氏弟綜俱赴井歿是時賊據大內人不得入踰月賊去見冠袍浮水上捍公首無可識認家人以網環驗實持歸配以木身成殮禮南都贈公太僕寺卿謚忠節祀旌忠祠

論曰樞曹一席職係封疆或竄或降不可數計獨公與成忠毅不屈以死豈非其平日卓自豎立不苟阿私猝遇非常激昂斷義哉故曰爭細娛者不可與圖遠利怯小害者不足與蹈重危如公者前以擊閹後以死賊嗚呼烈矣

申節愍傳

公諱佳胤字井眉號素園北直永年人也天啟辛酉
 舉鄉試成崇禎辛未進士出文太史安之門授儀封
 知縣調繁祀縣一塵不染以清廉第一稱行取吏部
 文選司主事獎人才絕奔競屢上封事銓政肅然歷
 員外郎陞太僕寺寺丞甲申二月奉使近畿賊勢漸
 逼朝臣多藉事引去左右咸勸公曰既在外可以脫
 然公奮袂流涕曰京師兵力空虛脫有不虞安危與
 共之義謂何乃星馳入都時三月十二事知大事

已去以書貽子涵光曰行已曰義順數曰義不可
背命不可違在朝在野無二道也天下事壞於貪生
畏死死於疾死於利死於刑戮死於房幃鬪爭均死
也數者寧死不惜遇君父大節縮首垂涕百計求免
此真不善用死矣吾受國恩誓以死報是時其母太
安人年近七十迎養京邸左右以此爲解曰吾業以
身許國勢難兩全十八日聚賓客爲幼子煜行冠禮
曰昔人所謂冠帶見先人也因以生平所著詩文付
之曰吾作官無長物半生精力盡此矣十九日城破

左右請易服匿他所公曰吾來此何爲者入而避何
如避而不入已聞宮中變仰天呼聖明者三視兩僕
固守不去給之曰往吾拜客時擇有善地可隨行至
王公厰有井泓然兩僕知其意急挽之斷袖躍入兩
僕呼號垂縶救之公在下呼曰汝等歸慰太安人君
亡與亡有子作忠臣莫過慟也時年四十有二未幾
賊從關東潰回欲肆焚戮幼子煜挾太安人奪門出
童僕皆從有傭書徐起鳳者從公已十年矣號泣請
留曰我等俱去樞誰與守賊果焚民居及徐起鳳

吾主以忠死。願弗焚賊。怒鞭之。徐叩請愈。衣賊感動。卒不焚。及北兵至。逐居民外徙。徐懼。遍求其同里。得鑄工朱攀桂等二十餘人。昇至天寧寺。故得全。徐之力也。南都詔贈太僕寺少卿。謚節愍。祀旌忠祠。子涵光。高才峻品。與弟煜。並以詩文名世。

論曰。往余遊白門時。素園先生方左遷國博。在顧旅邸。歡相得也。稔知其少孤。事太安人孝。爲孝廉時。有和丸草。今慷慨赴難。視死如歸。求忠臣必於孝子之門。信夫。吾見神京淪陷。若作宦者。肯遜出都門。便稱

高蹈若先生。及從外入。與城存亡。素志已定。非若臨事無可如何。只得一死者比也。特太君高年。或先護送出京。免其驚痛。意愛日之誠。殆有須臾不忍離膝下者乎。

王忠端傳

公諱家彥號尊五福建莆田人也爲人高視濶步有大志不拘小節與人譚義俠事輒心向往謂丈夫自期待應如漢伏波將軍居恒不忘馬革裹尸齷齪者無庸也天啓中辛酉壬戌聯舉鄉會筮仕開化縣尹下車召諸父老謂曰昔人以刺史縣令爲親民官所關利病不細吾承天子命令茲土期與若等更始若等其敬聽令言毋徒驕蹇取戾衆曰諾一年取利民者行之其有不便輒爲釐之民無遠近不謀而同

曰神君哉。甲子分省試，矢必得人爲天子。韓入闈，歎曰：魚目溷投，夜光莫辨。瓊瑤似玉，碧盧難名。雖然，顧整澄何如耳。比撒棘，獨公所得士，稱知名。乙丑調蘭谿，有惠政。一如其令，開化者最聞。擢省中，彈擊無所避。權貴歛手，尤留意亂本。謂皆貪墨，守令腹削民膏，不得衣食，致良民盡走爲盜。因上疏曰：臣見秦晉之間，饑民相煽，過都越境，千百成群。原其始，未有不從一鄉一邑起者。使當時爲守令者，早爲之所，取周官十二荒政，一二行之，亦未必潰裂四出。一至此也。論

者以此實功，令使然。催科急者，考卓異，督責嚴者，稱循良。坐是不肖而墨者，以束濕濟其饕餮。一二賢明之吏，又爲文法所縛，不得展布。雖有召杜，無從撫字。卽當鄭俠，未敢繪圖。秦晉之禍，大率繇此。今四方非無事也。三楚揭竿，已有其形。閩越弄兵，且明見告。倘及今不爲早計，不出五年，必至爲秦晉續。唯陛下少寬文網，俾得展布四體。一意撫綏，詩曰：不競不綵，敷政優優。此之謂也。如是而猶有不克承宣，致萑苻勿戢者，卽執守令治以養寇之罪，其亦何辭。疏出。

下○以○爲○興○平○梁○肉○救○亂○藥○石○率○無○過○此○公○居○言○路○十
年○封○事○百○餘○上○大○抵○皆○闕○切○利○弊○裨○補○生○民○庚○辰○晉
大○理○丞○踰○年○從○左○少○卿○遷○太○僕○又○踰○年○擢○少○司○徒○尋
拜○右○司○馬○協○理○京○營○戎○政○時○國○事○墮○壞○無○復○可○爲○譬
猶○錮○疾○之○人○扁○鵲○倉○公○不○能○療○之○立○起○然○公○蒞○任○補
救○不○遺○餘○策○甲○申○賊○逼○京○師○公○守○安○定○門○督○戰○甚○力
不○幸○城○陷○賊○大○擁○入○或○有○諷○公○亡○者○公○正○色○叱○曰○國
破○身○死○吾○何○足○惜○但○主○上○存○亡○不○可○知○恨○不○追○隨
乘○輿○觸○死○輦○前○贖○臣○子○萬○一○之○罪○耳○言○畢○北○向○叩○首
以○謝○先○帝○復○南○向○叩○首○以○謝○父○母○遂○自○經○死○僕○四
人○扶○公○襯○歸○道○遇○賊○得○禍○尤○烈○弘○光○初○贈○公○太○子○少
保○謚○忠○端○祀○旌○忠○祠

論○曰○國○事○之○壞○半○繇○良○民○盡○走○爲○盜○然○驅○之○在○墨○吏
公○自○爲○令○至○言○官○鯁○鯁○慮○此○使○在○廷○早○見○盡○如○公○賊
禍○之○酷○豈○至○是○哉○履○霜○不○戒○尋○至○堅○冰○悲○夫

汪文烈傳

附配耿氏

公名偉字源長南直上元人也少英俊中崇禎戊辰
進士謁選授知慈谿縣縣故岩邑公以廉平清靜治
之政聲大著時烈皇帝念邦家多難木天片席當
預儲敷歷中外安攘文武之才為異日綸扉揆席地
乃詔擇縣令司理治行卓絕者試其甲乙入直金華
公名在高等補翰林院簡討時人有登仙之羨公獨
思仰報天子拔擢與為國掄才破格用人至意益摩
厲洗濯留心經濟未幾流寇破荆襄南都山真震勝

公上憂宗社下念桑梓上江防綢繆疏大畧請留都
城週百二十里無守城之法止有守江之法
而來則淮爲之防賊自上而下則九江爲之防故禦
淮卽以禦江而守九江卽以守金陵今淮上有督撫
史可法屹然長淮保障矣九江一郡當江漢之衝嘗
以地形考之武昌藩蔽九江九江藩蔽太平太平藩
蔽金陵宜有重臣駐節武昌九江則設立督撫而太
平采石命南京兵部侍郎一員建牙於此作聲援而
鞏塹壘武操臣宜駐師新江口文操臣宜往來巡練

江北浦口江面頗狹一葦可航制亦宜如采石以兵
部侍郎分守城中之守雖有軍士粗具名目難恃無
恐大司馬名爲參贊於百姓尊而不親所應亟補府
尹府丞之官重其權久其任以聯百萬士民之心如
御史詹爾選葉樹聲郭維經成勇巡撫袁繼成方孔
昭清真端亮皆不二心之臣應擢卿貳以備江上督
撫之選或酌資俸以備府尹府丞之用必能實心任
事漸有成功疏入報聞癸未分較會試得顧貞建冠
本房人以為允十七年三月賊陷京城公每登室耿

氏○誓○死○殉○國○手○書○貽○子○孝○廉○觀○告○以○自○靖○之○
先○輩○趙○昂○發○夫○婦○為○比○戒○觀○當○以○忠○孝○自○勉○勿○辱○先○
人○且○以○老○母○不○能○終○養○先○壻○不○能○拜○掃○為○囑○遂○自○題○
壻○曰○身○不○可○辱○志○不○可○降○夫○婦○同○死○節○義○成○雙○從○容○
對○縊○始○公○居○右○位○既○而○曰○據○禮○宜○男○左○女○右○不○可○以○
倉○卒○越○禮○遂○易○位○就○縊○而○死○人○比○之○結○纓○易○簀○云○南○
都○贈○詹○事○府○少○詹○事○謚○文○烈○耿○氏○贈○恭○人○竝○祀○旌○忠○
祠○觀○清○脩○潔○操○能○繼○父○風○
論○曰○唐○宋○取○士○首○重○制○科○苟○不○登○是○選○雖○方○州○將○相○

不○稱○榮○遇○明○庶○常○之○拔○與○之○相○類○但○制○科○妙○簡○於○歷○
任○之○後○故○文○學○政○事○益○有○兼○隆○庶○常○則○釋○褐○受○職○石○
渠○天○祿○未○免○徒○以○雕○龍○繡○虎○之○業○相○目○三○百○年○曠○制○
至○先○帝○始○復○公○實○膺○其○選○可○不○謂○殊○恩○乎○及○銅○坑○
荆○棘○館○僚○自○外○入○者○爭○匍○伏○屈○膝○不○暇○非○公○仗○節○死○
義○几○何○不○笑○先○帝○此○舉○為○多○事○哉○典○以○一○人○重○信○
夫○

吳忠節傳

附陳純德

公諱甘來字和受號葦庵江西新昌人也少穎卓甫就塾卽能盡識雲臺二十八將姓氏長益博綜羣書與議論証據今古出入經史百家諸子若數家瓌弱冠舉于鄉戊辰成進士與汪公備同出香山何公吾騶門初授中書壬申擢入刑科居歲餘封事凡數十上悉關國是君德人材民命之大意有不可輒力諍雖權貴人不避輦下嘖嘖稱真諫議時大司農自嚴註誤下詔獄道路咸不平然當事輒無敢

爲訟寃。公曰：昌言于朝曰：漢臣賈誼云：則堂高簾近地，則堂卑三公之貴。天子已改容禮之，不宜復加繲縹。古者刑不上大夫，所以豫遠不敬也。又谷永曰：記人之功，忘人之過，宜爲君者也。犬馬有勞于人，尚加帷蓋之賜，况國之功臣哉！今畢公于六卿首膺宮銜，又端握計務，籌畫備精，已閱六載，比之律例，應在議貴，議勤力爲申救，語大剴切，未幾讀禮歸越三年，復補前職。己卯拜命，典閩試，入闈焚香，籲天願得一二奇才如文成、忠肅者爲國家股肱心膂。

聿奏泰寧，比榜發得士彬彬，稱盛如何。公家駒陳公亨，俱名雋，後蒞吳，著政聲。云未幾請告，癸未起兵科左旋掌戶科，時中外多故，荆襄數郡賊未至而撫道諸臣率稱護藩以去。公撫膺痛哭曰：是借題遜遁也。盡若此，則皇上之城社人民誰捍禦者？因抗章謂天子衆建親親，將使藩屏帝室，猝有緩急，捐私倡義爲朝廷守。詩曰：宗子維城，此之謂也。今風鶴纒傳一朝，委去上之不能設奇振旅圖殲掃之功，次之仗劍登陴，効死守之義，先去以爲民望而首。

堯擁衛戶功修練儲備明旨謂何今天潢綉
要區若悉借護藩為掩罪地將維城為可留
人即名都亦可守可去之士將來功罪不著賞罰不
明莫此為甚惟陛下留意疏入上大嘉嘆未幾
分較禮闈人或為公得士賀而公蒿目時艱不以桃
李盈門故色喜也甲申春逆寇逼京公顧其弟泰來
曰叨為侍從義不可辱成仁取義願死勉之泰來不
能從及城陷聞帝凶問公獨沐浴衣冠自殺聞都
贈公太常寺卿錄一子予祭葬謚忠節祀旌忠祠

潛遁者公曰今不能調兵殺賊顧欲苟全求活耶遂
作書以後事托其兄弟簡凡上有疏草在曰留此恐
彰君過取火焚之兄子宗儀奔至相與慟哭曰我不
死無以見志汝父死無以終養古者兄弟同難必存
其一使皇上在則土木袁彬遜國程濟皆可為也
否則求真人于赤水起樹鄴于有吳我雖死猶生也
遂冠帶北向拜者五南向拜者四賦絕命詞一章引
佩帶自縊死南都贈公太常寺卿謚忠節同時又
左副都御史施邦曜字四明人聞變

于凡有恆無半策匡時難惟有微軀報
自縊尋爲什救醒邦耀叱曰若知大義何久留
更飲藥而卒贈左都御史諡忠介御史陳純德靜
生零陵人進士奉差督學順天以遵化警不能前遂
回京城陷自縊死贈太僕寺少卿諡恭節御史趙譔
字鎮所昆明人舉人巡視中城捕賊謀殺之城陷賊
獲譔譔瞋目大罵賊怒刀杖齊下殺于白帽衛衛候
知府周之茂字松如麻城人進士爲賊搜去追跪
不屈遭梃擊折臂死工部主事王鍾彥華亭人舉

長班趨鍾彥閉戶自殺賊棄戶溝中中書舍人宋
天顯華亭人監生賊令草僞詔天顯嫚罵不屈觸堦
而死又給事中彭瑄字予白永川人進士賊脅降不
從自刎死給事中顧鉉號青城成都人進士初自刎
未絕復被執毒拷罵賊死戶部郎中徐有聲罵賊支
解死御史俞志虞字華隣新昌人進士不屈死
論曰予論次死難諸公若吳忠節之從容就義施忠
介之慷慨殉節陳恭節之返旆還京皆其表表
人無間言首矣至趙御史則傳自崑山楊明

而周王粲公考其死亦甚確
京職而都中所記諸忠何以胥失名姓豈旅
遂偶軼耶凡記死難必核日核地而後無訛不
忠爲逆既有不敢獎逆爲忠亦有不甘大抵當時有
此一種因執拷而痛罵而刑死卽不可稱忠烈狀較
之駢首乞憐寧爲糞粉而不欲一字觸忤者則有間
矣如四公者雖謂之死難可也

成忠毅傳

附父文桂等

公諱德字玄升北直懷柔人也少倣儻有大志以忠
孝自負爲諸生時璫焰熾嘗讀文文肅公擊奸疏輒
斫凡狂叫心儀而足躡之崇禎辛未成進士初令淄
陽有廉能聲尋以科餉得罪大吏被議復抗疏論列
奸輔溫體仁罪狀直聲震天受杖者三下詔獄謫戍
榆陽懸贓六千七百有奇當是時烽火逼懷柔公父
文桂罵敵死公妹及妾童氏蕭氏自經歿妻
女以徵往困死公在戍藉七年癸未冬赦

臯公又疏請輸家助國兼陳有司掎尅之爲
有賣王鹽以充私橐徵站銀以飽慾谿者言
未幾擢兵部主事痛心時事以幼子夢來托同
友王重誓以身殉既受事益究心戎略爲國家
顧陰雨旣臨綢繆無及甲申三月逆闖入城
馳書馬文忠公相約必死以慷慨從容二義爲
質繼聞先帝凶問卽操鷄哭奠梓宮前大呼
皇上數四叩首觸階而死母張氏亦就縊南都
贈公大理寺卿毅祀旌忠祠

論曰一夫抗節古猶稱之予觀成氏中閨後先赴死
如飴無復兒女子流連狀真巾幗而鬚眉者哉
公之始爲循吏繼爲拂士終且爲忠臣爲良友其
義炳丹青名垂竹帛前史以爲美談後來仰其徽烈
者也然非是父鮮舉是子孰謂醴泉無原
根也哉

丘大學士傳

附子之陶

公名瑜號鞠懷宜城人中天啟乙丑進士歷官至禮部左侍郎為東閣大學士甲申三月賊偪京城十八日夜集議朝房漏四下回寓呼其子之敦曰事急矣汝自為計吾將從事于奉先殿敦請故公今日召對帝言大家在奉先殿完事因覓黃絹一方袖之黎明入朝見宮人狂出詢駕不知所在而賊馬已通城矣公走鐵匠衢衢遇友人胡季宣延之入欵自經得隙日午之敦至公曰吾死矣我不過做

得高第食厚祿世亂既不能匡君危又不
地間罪人死後當露置平子門外以為人臣之位
歿者戒不必歸葬也敦悲泣公曰勿泣人生百年亦
死若得其正死猶生也語云寒疾不汗五日而死設
去年染疫不死乎汝當讀書讀書以明道安詳綱常
兩字如汝弟從賊偷生非吾子也蓋公次子之陶于
壬午為曹賊羅汝才所獲羈之營中後又歸闕尋以
自成出與孫傳庭迎敵之陶竊其令箭以逃竟穿營
走出將渡黃河盤獲見闕陶罵不絕聲賊怒剛之時

賊屯河南嵩縣事公尚不知故責其偷生云尋命敦
別去欲俟靜夜投繯抵暮長班引賊入胡室執公行
道遇敦公袖出絕命詞一紙授之前有詩云百歲奉
光強半過助時力短愧鳴珂詩書萬卷都無用惟有
先賢正氣歌後云天崩地拆我輩讀書明豈能苟
且求活一月綸扉廿年玉署雖事柄不繇已操而大
義安可不立畢命投繯狀無憾我兒勉旃忠孝勿
為過傷長途孤櫬勢難自達到處青山可埋吾骨可
必故鄉等語是夜賊擁至窩舖用兩賊封

死不得尋執見劉宗敏偏勒助餉百方毒
寓乘間服米片而死子之敦純孝有聞今
論曰世之訾丘公者以其遲死被刑耳惟是遺筆在
未執之前被執卽城破之日事與願違尤當
丘公者余謂縱不得與吳橋比烈較之并研通州輩
似難同日而語而世顧苛求之可歎

魏庶常傳

公名學濂字子一浙江嘉善人忠節公大中之仙
孝子學泮弟也忠節公遭璫禍死學泮以身殉崇禎
初元公徒步入都伏闕訟冤又瀝血上疏劾阮大鍼
傅樾交通逆奄實殺諸賢請論如法天子容卹贈
有加并抵大鍼樾罪公念受國厚恩天下多事思
以功名顯益究心天文地理兵農禮樂刑律之要
一旦得効馳驅爲報塞地壬午舉于鄉癸未成進士
授庶吉士時賊破秦晉京師戒嚴濂與同

樞曹成德等日夜涕泣謀所以捍禦策時
對公力請東宮或二王往鎮南服又言當糾合畿輔
義士爲勤王師而編修陳名夏曉暢兵事且習于山
左右豪傑宜假以事權令出都號召先帝薨之會朝
議未定而賊勢日迫公乃遣間使走容城
竒逢等約聯絡忠勇赴難計已定未報而賊薄城下
三日城陷公出遇陳名夏吳爾壘方以智于金水橋
且曰我儕圖一死所以報先帝公曰死易爾顧事有
可爲者我不以有用之身輕一擲也因言東宮二王

故在而真保定間義旅旦暮且至獨不能少忍須臾
待之耶既而東宮二王爲賊所廉得挾之出或傳遇
害于永平先所約竒逢等故遲遲失其期同事者或
拉之還南公乃嗚咽起立曰所以不死者欲以有爲
也今已矣廉義不憚一死以報命九京夫廉寧不知
靡衣媮食之可以苟活乎今其勢非不能南顧先帝
業殉社稷身爲侍從之臣而不獲以身從在天之靈
寧爾寔也卽不然而先父兄而有知方談笑于地
下濂所不能以素棺白旒附厠先塋之側

冲○顏○覩○息○重○執○爵○而○酬○家○廟○之○前○也○且○賦
謀○篡○則○必○將○勒○薦○紳○為○朝○賀○而○忍○復○北○面○乎
愛○為○謝○故○人○考○叔○有○母○彥○升○有○兒○固○後○死○者○責○也○用
為○絕○命○詩○曰○忠○孝○千○古○事○於○我○只○家○風○一○死○輕○鴻○毛
臨○難○須○從○容○有○血○麗○微○軀○官○卑○非○侍○中○有○玉○上○存○之
并○遜○常○山○公○因○約○同○志○友○延○頸○受○霜○鋒○不○能○張○空○拳
與○彼○爭○雌○雄○不○能○奉○龍○種○再○造○成○奇○功○死○且○有○餘○罪
何○收○言○丹○忠○所○痛○毋○垂○白○七○十○仍○尸○喪○未○葬○凡○五○喪
留○與○子○侄○封○人○生○誰○百○年○壽○歿○死○所○同○我○比○兄○與○弟

我○年○為○獨○豐○高○堂○無○復○悲○譬○不○生○阿○儂○辭○毋○却○就○父
生○死○猶○西○東○骸○骨○雖○不○歸○卽○瘞○此○詩○筒○墓○木○有○拱○時
清○韻○入○楸○松○又○口○始○聞○天○子○且○出○亡○繼○云○亡○□○放○還
鄉○既○望○義○旗○起○四○方○三○者○於○今○皆○已○矣○當○死○不○死○真
羞○惶○幾○家○闔○門○自○焚○死○幾○人○投○繯○從○天○子○王○章○不○屈
磔○城○樓○金○鉉○躍○入○御○溝○水○街○頭○男○女○不○讀○書○西○城○井
中○何○累○累○耳○聞○眼○見○美○殺○人○美○人○不○已○還○自○噴○死○忠
死○孝○家○嘗○事○我○竟○不○死○將○誰○臣○君○亡○國○破○雖○易○代○正
統○日○月○虛○懸○在○待○彼○篡○位○我○死○之○我○死○固○愧○心○下○拜

但恨有書報老親云兒不死休酸辛兒
得爲孃愛此全歸身又貽書付子諄諄以子孫非甲
申以後生者雖令讀書但期精通理義不得仕宦爲
言書畢自縊死公爲人豁達多大畧慷慨好義性至
孝感忠節公詔獄之慘終身布素習以爲常并病幾
始爲割臂肉和藥以進乃瘳談次或及義烈事輒爲
流涕平生嫉惡如仇至不忍見見亦不能容居鄉閉
門掃軌非公事不與聞值荒歲倡議出粟減價平糶
賴以存活甚衆又爲道殣給鞋暑月躬至貧乏及病

疫堵家慰問之不以爲憚也子三允枚允札允桓皆
負才英犖無忝忠孝家風云

論曰論人于死生之際亦難矣哉甲申之難有欲死
而卽死者范文貞倪文正數先生名垂日月節炳丹
青允矣至已死而不死者方簡討密之龔給諫孝升
呂中翰霖生楊修撰冰如熊文選堂陳編修百史
之數公者君子猶當諒其志焉若夫遲死而竟死後
先無間忠孝同揆惟公一人而已乃好事者猶以後
死爲口實善乎文學曹君爾坊之論曰

在報韓隱忍圖存冀冀皇嗣至必死而
不歸人臣處此亦極難耳卒以立孤勿克感憤自經
雖不成程嬰存趙之功庶無忝姜維復漢之節其言
切而痛矣余故特表之爲能死者勸而并以見吳兒
好詆舌劍唇鎗不顧人禍天刑之隨其後也

吳成都傳

附子孫慈等

公名繼善字志衍南直太倉人也中崇禎丁丑進士
授慈谿知縣丁母艱未之任壬午服闋補成都成都
在萬里外時荆襄陷沒江鄂道斷賓客遠巡勸少留
公謂此君命也人臣守官其敢以利害辭乃歷艱險
入蜀卽日啟蜀王請發帑金爲備禦計當時蜀事已
棘而藩府金繒積者數百萬王恡不應公貽書吳太
史偉業謂事必不可爲誓必死于此甲申城陷公被
賊執罵不絕口嚮而割之配周氏子孫

殉僕

五郎者幸免矣。奮曰：吾主與主母已死，亦慷慨罵詈盡于主側。一門死者四十餘人。時十一月二十五日也。公博聞辨智，風流警速，于書一覽輒記。下筆灑灑數千言。家本春秋治三傳通史漢諸大家。繼又出入齊梁工詩歌，善尺牘，尤愛圖繪。有元人風下，至樛蒲六博，彈琴蹴鞠，無不畢解。當是時，張公溥以古學振東南，海內文士絡繹奔赴。公性好客，日具數人饌，賓至如歸。每三爵後，詞辨鋒起，雜以諧謔，輒屈其坐，與同宗偉業、克孝、國杰等以文行相砥礪。

生平負志節，急人患難，其成進士也。會里中兒刊章告密，溥為所構，勢張甚。公獨銳身為營救，卒以免。家居侍太公疾，視湯藥浣廁，踰衣不解帶者數十日。父既歿，哭泣喪葬，備物盡志。人稱曰：孝事長兄，待二弟友，無間言。伉爽曠達，不拘小節。嘗遊黃山，凌絕頂，慨然長嘯，謂今天下將亂，大丈夫習勞苦，任艱難，為國家驅馳奔走，有如此遊矣。其銳志強濟如此。子國杰經紀其喪，以少子士具祀。論曰：當燕京既沒，聞先生痛哭上書，即

而文武大吏無一人肯辦賊劍門夔峽
守而後驅數千之卒阻五丈之城以當百
雖智勇無所施矣設令公護親藩竄山谷屏迹蠶絲
間亦可圖全而公顧喋血自誓與此城爲存亡終至
骨肉菹醢妻兒橫分以報所受豈不難哉

陳巡撫傳

附王行儉等

公諱士奇字平人福建漳浦人也誕自庚寅少讀騷
庚寅吾以降曰我生定之矣勒其言以自表方弱氣
有文名成天啟乙丑進士授中書假歸庚午遷禮部
主事壬申陞粵西督學使單車就道樸被蕭然遭父
喪歸甲戌補重慶兵備明年轉貴州提學復丁內艱
庚辰起贛州兵備贛故膩地公一塵不染而石
化二邑之頑獷構訟十
至訊笏之涿成虞
人立祠祀之辛巳督學四川驅車日卽

云寧剗吾身上肉毋塞彼寒士門謝絕

盛時有學憲廣文之謠壬午七月特擢命仰細

撫四川公念時事交訏天子焦勞食無兼味行重

帳門無私覲而一意繕城治具以備不虞冬十月松

藩邊兵以索餉叛聚眾數萬莫之敢撓公嚴詞正色

諭以禍福眾皆就撫時蜀中徭黃賊盤踞有年蠢動

川之東比公先後與道臣陳公其赤葛公徵奇郡守

王公行儉巴令王公錫營將趙榮貴等凡殺賊于重

慶于順慶于定遠設奇夾勦大獲全勝斬首凡一千

七百有餘緘生擒賊魁馬超一斗麻代天王等二十

餘人所救難民以數萬計徭黃膽喪奔脫他徙相戒

謂陳撫軍勿可犯其為敵憚如此土寇彭長庚等聚

眾殺令公設計捕殺之得其渠魁數百人置之法而

峽江洪雅聚眾殺尉尉固貪墨致變公謂罪在民

遣將往諭兩縣民皆就縛請死公斬其倡首者而餘

得全活又蜀素苦白蓮邪教公以若輩尚不安

下急之適驅虎歸山耳遣起榮忠以半

黨遂散癸未十二月有旨召公別衙門

人加以闖賊破陝隣封岌岌漢中瑞王

將趙光遠者跋扈將軍也募兵二萬餘為

逃奔者又數萬突至保寧蜀省大震公不憚千里

騎赴保寧而鎮兵驕悍視蜀為弱肉欲得餉而蠶食

之公大聲呼曰兵以禦暴退守平陽關以為吾捍衛

方宜饗食吾不惜二萬金以給之若徒頓此以海風

鶴則吾頭可斷餉亦安可得哉趙知不可撼乃退兵

平陽而與瑞藩約二千騎入渝民以無譁至甲申四

月始以川北道龍文光推代公方作歸計而聞京師

告變矣時獻賊憑陞突入夔州公念國仇義不俱生

遣水師曾英以火攻殺賊於忠州擊沉其舟百餘號

賊死以千計又遣趙榮貴禦賊於梁山奮斬三百餘

級所獲騾馬弓箭無算賊恨悉眾來攻六月初八日

破涪州或謂公已謝事可去公不可據重惠以待之

而權已去手徵石柱土司援兵不至與守令歃血為

死守十七日賊以百萬至城下公解行囊佐軍

夜登裨衣不解帶以火滾砲擊死賊千餘

降意至二十日夜黑雲四布賊掘地窖

藥數十筒晨起以火箭齊射藥處火發
賊湧入公被執獻忠好勸降公厲聲曰
恨不從先帝左右今死社稷吾願也豈有降
顏平原乎速割吾頭無他言痛罵不屈獻大志命曳
公出支解以死忽震雷四發烈風暴雨飄瓦吹砂大
木盡拔操刀者自相砍逆憲驚仆時遇害凡九人瑞
王與從駕守道陳纁重慶知府王行儉巴縣知縣王
錫新撫龍文光及諸將領事在六月二十一日越日
賊盡取渝民斫其臂合三萬七千有餘人

論曰獻賊殺戮之慘固黃巢後所未有也獨是公以
謝事之巡撫守必陷之危疆蓋其忠義性成自讀騷
時已定之矣豈有降賊之顏平原哉言乎凡登朝
食祿者曷不共聞之也



